

جَزِيدَةُ حَاكِمَتِ

جمعه ایرتسی

نومرو	شوال	سنه	نیسان	سنه	صفیقه
۷۶۷	۲۲	۱۳۱۱	۱۶	۱۳۱۰	۱۱۳۸۹

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکریمی غروش)
 (حسابیله التمش غروشدر . طشره لر ایچون اون باش غروش پوسته اجرتی ضم اولنور . بهر)
 (نسخه سی ینه مجیدیه یکریمی غروش اولق اوزره یوز پاره به هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولق استیانتلر عدلیه نظارتی)
 (دأره سنده کائن جریده محاکم اداره سنه مراجعت ایلملیدر)

قسمت غیر رسمی

در سعادت بدایت محکمه سی برنجی حقوق
 دأره سنندن ه تشرین اول سنه ۳۰۸ تاریخی
 و اوچ یوز طقسان عددی ایله و یریلان اعلامک
 تمیزینی استدعا ایدن باب سرعسکری اسبق سر
 وزنه داری متوفی حاجی حسن افندی ورته سنندن
 در سعادتده فاتحده خواجه خیرالدین محله سننده
 مقیم سابق ایتام عسکری وزنه داری محمد افندی
 اصالة و باب سرعسکری وزنه دار معاونی احمد

بک طرفدن نشان غارنکیان و میز علیه مقام
 والای سرعسکری جانندن فضیلتلو رشید افندیلر
 و کالة بوم معینده دأره به ورود ایتملیله ایضاحات
 شفاهیله لری و باش مدعی عمومی معاوتلرندن
 سعادتلو یورغاکی افندیکنک مطالعه سی استماع
 قلندقدنصکره تدقیقات تمیزیله اجرا سنه ابتدار
 اولندی .

اعلام مذکورک خلاصه مالی متوفی مومی
 الیه حسن افندیکنک نظامیه خزینه سی سرورنه .
 دارلغنده بولندیخی صره ده ۲۰ شباط سنه ۹۰

تاریخی بر قطعه سند موجب امانت اوله رق تسلیم قلنان اچقدهن غیر از استیفا مورینه صرف واستهلاک ایلدیکی بشیوز التمش کسور عثمانلی ایراسیله متوفای مومی الیهک سپارش وزنه داری حسن و معیتده بولنان عمر افندیکنک وقوع بولان کفالتندنطولایی سکر بوز قرق بربیک طقوز بوز غروش خزینة مشار الیهای دینی اولوب وفاتیله ذمت مذکوره ترکه متوفایه تعلق ایتدیکندن بختله متوفای مومی الیهک مجبور طوتلملری حقتده مقام والای سرعسکری دعاوی وکیلی رشید افندی طرفندن اقامه اولنان دعوا به قارشو ورته دن محمد افندی عین دعوانک اقدحجه وزنه دار قدری افندی علیه محکمه شرعی دهه و اخیراً ورته علیه بنده اوله رق روم ایلی قاضی سکر لکنده اقامه اوله رق ترکه متوفانک دخی اوراچه تحریر ایدلمش اولسی جهتیله دعاوی مذکوره نک اجمال رؤیتی محکمه شرعی به تائد اولدینی بیانیله دعاوی حاضر نک ردینی مدافعة در میان ایتسی اوزرینه کیفیت روم ایلی قاضی سکر لکندن بالاستعلام وارد اولان جوابنامه ده بو خصوصه مأموراً اعزام قلنان میرلوا سعادتلو امین پاشا ایله میرالای عزتلو مصطفی بک طرفلندن متوفای مومی الیهک مهریله مختوم ۲۰ شباط سنه ۹۰ تاریخی بر قطعه

اول امرده سنده مربوط اولان بشیوز التمش لیرانک تحصیاتی دعوی ایتسنه منی مدعی علیه محمد افندیکنک عین دعوانک مقدا قدری افندی علیه بنده محکمه شرعی ده اقامه اولنسی جهتیله ورته علیه بنده اقامه ایدیلان اشبو دعوا ده تناقض اولدینی حقتده کی ادعایکنک ردیله دعاوی واقعه ده تناقض اولدینی تحت قراره التمش و اخیراً ورته متوفانک مالیه خزینته جلیله سی بیت المال مدیری مواجه سنده اثبات وراثتله حصه ارنیه لرینی دعوی ایلدکری اثباته دائرة عسکریه وکیللری دخی مبلغ مدعا به ایله متوفای مومی الیهک اشخاص معلومه به کفالتندنطولایی دینی اولان مبالغ معلومه ایچون بیت المال اداره سنه بالمراجعه اقامه دعوی ایتشلر ایسه ده ورته مومی الیهک مدیر مومی الیه مواجه سنده وراثت لرینی اثباتله اعلام شرعی تنظیم واعطا قلندیجه و جهت کفالت حقتده کی ادعایکنک حقوق خزینته به اساساً امانت اچقدهن قدری افندیکنک استرداد حقتده کی دعوا به مربوط اولسی جهتیله انک دخی محاکمه نظامی ده رؤیتی موافق و صحت و امور طیعه دن بولنمش اولدینی اشعار و تخلیه قلنمش اولسنه ومدعی وکیلی رشید افندی ایسه سنده مستند اولیان کفالت ادعای بالآخره ابروجه اقامه اولنقی اوزره محاسبه ده موجود ایکن ابراز اولنموب کتم

ایدلمش و شو معامله نک مومی الیه قدری افندی طرفندن یا بیلنمش اولدینی سند مذکورک افندی مومی الیهک خطیله محرر اولسی دخی مؤید بولنمش اولدینی کبی مورثنک خسته لنی زماننده مهری رفیقی مومی الیه قدری افندی نژدنده بولندیجه جهته سنده مذکورک انک طرفندن تختم و تحریر ایدلمش اولسنه مبلغ مذکورک افندی مومی الیهه تسلیم قلندیکندن بختله انک علیه بنده اولجه محکمه شرعی ده دعوی اقامه اولنسی دخی دلالت ایده جکنی و مالیه خزینته سیله باب والای سرعسکری بیننده کی مخابره بی ناطق اورا قده مورثلرینک ذمت امیریه سنه دائر قیده ظفریاب اولنه مدینی کوسترلمش اولدینی بیانیله مورثنه تعلق اولیان دعاوی واقعه نک ردینی بیان وتذکار ایتکنده ایسه ده مبلغ مذکورک متوفای مومی الیهک حال و حیاتنده امانت اوله رق کندوسنه تسلیم قلندیجه متوفای مومی الیهک نامه و کندوسنه مخصوص رسمی مهرینی حاوی بولنان سند مذکور مندرجاتیله متحقق اولوب مذکور مهرک متوفای مومی الیهک خسته لنی زماننده ویا معذرت مشروعه دن طولانی موقع مأموریتنه کله مدیکی زمانلرده نژدنده بولنموب مهرامسی ایجاب ایدن اوراق متوفای مومی الیهک خانه سنه

کوندر بله رك تخنيم ايتديرلديكي وبيان اولنان محاسبه نك اصلي و امانت اچمه لرك دفتره قيدي اصولدن اولديني وقوعبولان استعمال اوزرينه باب والاي سرعسكر يدن جواباً بيلديلمش ووكيل رشيد افندي جانيندن ابراز اولنان مخبره لو اوراق و ساژه دخي متوفانك ذمت اميريه سي حقنده قيده ظفريات اولنه مديفته دائر بيان اولنان فقره به تصادف اولنه ماش و مذکور مبلغك مومي اليه قدری افندي به تسليم قلنديني حقنده نظاميه خزينه سي وکیللرينك بحث و حکايه اولنان اقرارلرينك ايسه بودعوايه عدم شمولی درکار بولنمش اولديغنه بناء بر موجب سند مذکور المقدار مبلغك متوفای مومی اليه حسن افندي ورثه سندن بالتحصيل خزينه نظاميه به اعطاسنه و مبلغ محكوم بهك متوفانك بيت المال اداره سنده موجود و اصول عتيقه و جهله محجوز بولنان اچمه دن تسويه سي حقنده کی ادعايه کانجه بوبابده کی اصول محاکمه حقوقيه قانوننده ارايه اولنان شرائط دائره سنده حجز وضع ايدلامش و ذاتاً بوجي تحریر اولنان ترکات حجز عمومي تحتنده ديمك اولمغله بوبابده برشي دنيله ميوب بوجهت دائره اجرايه عائد مواد خز بولنمش اولديغندن خزينه مشار اليها وکیلنك تقاص و محسوب

خصوصنده ورثه نك بيت المالدله موجود اچمه به وقوعبولان مداخله لرینك منعی حقنده کی ادعایرينك ردینه و ديگر قسم حقنده کی ادعایره دخي مراجعت وقوعنده ابروجه باقلمسی لزومه حکمندن و مستدعی تمیز محمد افندي ايله احمد بك وکیلنك اشبو حکم علیهنده کی اعتراضاتنك باشلوجه سي متوفای مومی اليه حسن افنديني خسته لاق و یا معذرت مشروعه دن طولانی موقع مأموریتنه کتمديکی زمانلرده مهرلنسی ايجاب ابدن اوراقك خانه سنه کوندر بله رك تخنيم ايتديرلديكي حقنده باب والاي سرعسكر يدن يازيلان تذکره جوابيه اولوقت موجود بولناتلرك افاده لرینه مستند اولوب حالبوکه مبلغ مدعا بهك وزنه دار قدری افندي به تسليم ايدلديکی امين پاشا و رفيقنك اقرار لريله مثبت اولمسيله جوابنامه مذکورده بيان اولنان کسانك محکمه جه بعد الاستماع تدقيقات لازمه اجراسی لازمکلور ايکن بوبابده کی تدقيقات حصم معرفتيله و حکم واقعك تدقيقات مذکورده ابتدا ايدلمسی مغاير قانون اولديغندن بجه اعلامك تقضی و يميز عليه مقام سرعسكري و بيلي رشيد افندينيک نتیجه جوابی اعتراضات واقعنك بداية اجرا قلنان تدقيقات ايله مردود اولوب مدعا به اچمه نك سنده من بوط اولمی جهتيله حکم

و اعلامك قانونه موافق اولديني بيانندن عبارت بولنمشدر.

ايجابی مذاکره اولندوقده اعلام مذکور مندرجاتندن منضم اولديني اوزره مستند ادعا اولان سنديک حاوی اولديني طقوز يوز کسور ليرانك امين پاشا جانيندن جسته جسته التوق اوزره وزنه به تسليم قلنمش اولسنه نظراً مبلغ مذکورك صورت تسليمی دائره عسکریه نامه ميدر يوقسه پاشای مومی اليهك تزنده حفظ ايدمجي برباره اولوبده کندی نامه اضافتله می تسليم ايدلمش در محکمه جه اول امرده بوراسی بالتحقيق دائره عسکریه نامه تسليم ايدلمش ايسه بومقوله امانت اچمه لرك وزنه دفترلرنده قيدي بولنماسی اصول متخذه به منافی اولوب بوبابده همه حال قید بولنسی درکار اولمی جهتيله مبلغ مذکورك قینی تاريخده توديع اولنديني تدقيق و تاريخ مذکورده وزنه دار متوفی حسن افندينيک خانه سنده اسير فراش اولوب اولديني صورتده وزنه نك عموم معامله سي بالخاصه اشبو امانت اچمه نك تسليم و تسليمی کيمک طرفندن ونه صورتله وقوعه کلديکنک تعيين و تحقيقات امور لازمهدن اوله رق محکمه جه بوجهتلر حقنده باب والاي سرعسكر يدن سبق ايدن

استعلامه کلان جوابنامه ده ايضاحات کافيه مندرج اولديني جهتله اولبابده تعميق و تدقيقات ايدنك مقتضى بولنديني کي متوفای مومی اليه حسن افندينيک خسته لنديغدن طولانی خلفی محمد افندي به وزنه نك حين دورنده متوفای مومی اليهك الحق اون سکر بيک غروش دینی ظهور ايتديکی اولبابده کی محاسبه دفترينه عطف ايله محمد افندي جانيندن ادعا قلنمقده اولمسيله محاسبه مذکورده ناطق دفترك جديله تدقيقات مکمله اجرا و صورت ادعا نك تحققی حالنده مدعا به اولان اچمه نك اولوقت متوفای مومی اليه سندن طلب اولنماش اولمی اسبابنك استيضاح اولنسی لازمه دن اولديني حالده بوبابده مقام والاي سرعسكريدن يازيلان تذکره امانت اچمه لرك خزينه دفترلرينه قيد اولنه ميه جفته دائر اولان فقره به استناداً دفتر مذکورك جلب و معاينه اولنماسی و متوفای مومی اليهك بر کونه ذمتی اوله جفته دائر قیده دسترس اولنه مديني مقام مشار اليه دن مالیه نظارتنه يازيلان تذکره به متدائر اوراق درکنار ايدلمش اولديني حالده اخيراً طقوز يوز کسور ليرا ذمتی ظهور ايتديکی بيانيه اقامه دعوی اولنسی محتاج تدقيق ايدوکی ورثه جانيندن مصرأ ادعا اولنمشيکن بوجهتک دخي تدقيق

اولنامه‌سی و متوفای مومی الیهک خسته‌لق
 ویا معذرت مشروعه دن طولایی موقع مأموریتیه
 کله مدیکی زمانلرده مهرلمسی ایجاب ایدن اورا فک
 خانه سنه کوندریلرک بالذات تخیم ایتدیرلدیکی
 حقنده مقام مشار الیه دن یازیلان تذکره نک
 برطاقم کسانک افاده لرینه مستند اولوب
 حالبوکه اولبایدیه ایجاب ایدن تحقیقاتک محکمه جه
 اجراسی مقتضی بولنمسنه کوره تذکرده بیان
 ایدیلان ذوانک تعیین ایتدیریلرک انلرک مقام
 شهادتده و حضور محکمه ده استماعی لازمکلور
 ایکن اشبو تحقیقاتک دخی باب سرعسکری
 معرقتیه اجرا ایتدیرلمسی قانونه مغایر
 و مستدعیلرک اعتراضی موافق نفس الامرا اولوب معاون
 مومی الیهک مطالعه‌سی شایان قبول کوریله مامش
 اولدیغنه بناء اصول محاکمه حقوقیه قانوننک
 ایکوز اوتوز ایکنجی و ایکوز قرق برنجی
 ماده لری موجبجه اعلام مذکورک نقضیه قانون
 مذکورک ایکوز قرق درنجی ماده‌سی حکمنه
 توفیقاً کیفیتک صورت مشروحه دائره سنده
 یکیدن بالرؤیه حکم و اعلامه ربطی ضمننده محکمه
 مذکوریه اعاده سنه واشبو اعلام خرجی اولان
 ایکوز غروشک اولجه مستدعی تمیز جانبدن
 ایضا قلنان ایکوز سکسان غروش ربع خرجدن
 اولندی .

دوزجه بدایت محکمه سندن ۲۵ مایس سنه
 ۳۰۸ تاریخی و درت عددی ایل اولان صادر اعلامک
 تمیزینی استدعا ایدن دوزجه قضا سنک استللی
 قریه سنده ساکن مهاجرین چرا کسه دن کوچک
 سعادتکرای بک ایله میز علیها قضاء مزبورک
 کوپری باشی قریه سنده ساکنه متوفی حاجی
 ابراهیم افندی زوجه‌سی فاطمه خانم یوم معینده
 دائره یه کلدکلرندن باش مدعی عمومیلک مأموریت
 علیه سنک مطالعه نامه‌سی التذقدن صکره اصول محاکمه
 حقوقیه قانوننک ایکوز یکریمی طقوزنجی ماده‌سی
 موجبجه تدقیقات تمیزیه اجراسنه ایتدار
 اولندی .

اعلام مذکورک خلاصه‌ مآلی مزبوره فاطمه
 خاتمک مرقوم سعادتکرای بک ذمتنده باسنند
 الاجنی اولان اوتوز بش لیرایه کفیل اولان
 شاهمرزه ایله بالحاکمه مبلغ مذکورک کفیل
 مرقومدن تحصیلنه دائر دوزجه بدایت محکمه سندن
 استحصال ایلدیکی اعلام علیه‌نده مرقوم سعادتکرای
 بک طرفندن اقامه اولنان اعتراض الغیر دعواسی
 اوزرینه جریان ایدن محاکمه ده معترض مومی الیه
 مزبوره فاطمه خاتمک اوغلی موسی بکک طاغستانی
 عبداللهی قتل ایتمش اولسندن طولایی کویا قاتل
 مرقومک برائتی تحصیل ایتمک اوزره مزبوره دن
 قرق لیرا الممش اولدیغنی مزبوره نک جزا محکمه
 سنده کندوسندن ادعا ایتسیله مجرد محافظه ناموسی
 ضمننده مزبوره یه اوتوز بش لیرالق برسنند اعطا
 و مزبور شاهمرزه بی دخی کفیل ارانه ایتمش
 ایسه ده مؤخرأ جزا محکمه سنجه کندوسنک برسنه
 حبس‌سیله برابر قرق لیرانک دخی تحصیلنه قرار
 و یریلرک سالف الیه دن قرق لیرا داخاندن بولنان
 مذکور اوتوز بش لیرا حکماً استیفایدلمش اولدیغندن
 مزبوره نک مبلغ مذکورکی نه کندوسندن ونه ده
 کفیلندن طلب و ادعایه صلاحیتی قالمش ایکن
 کفیل مرقومدن تحصیل حقنده و یریلان حکم
 حقوقی سکتده دار ایتدیکنی بیان ایله اعلام

مذکورک فسختی طلب و دعوی و مدعی علیها
 دخی سنده مربوط اولان اوتوز بش لیرایی
 بشقه جه اقراض ایتمش اولدیغنی مدافعه سرد
 و انبا ایلملریله اولبایدیه اجرا قلنان تدقیقات
 نتیجه سنده مذکور اوتوز بش لیرانک سالف
 الیه دن قرق لیرا داخاندن اولدیغنی معترض طرفندن
 اقامه شهود ایله اثبات ایدلمسی لزومنه قرار
 و یرلدیکی حالده مرقومک اثباتدن اظهار عجز
 ایتسی و مزبوره نک محکمه قراریه تکلیف اولنان
 یعنی اجرا ایللمسی حسبیه بعد التحلیف معترض
 طرفندن ابراز اولنان سنک حکمی قالمدیغنی کبی
 ذاتاً خصوص مدعا بیه دخی شمول و تعلق کورلماش
 اولدیغنه بناء بجه نک بیک سکر یوز اون سکرنجی و بیک
 سکر یوز اون طقوزنجی و اصول محاکمه حقوقیه
 قانوننک یوزیمشنجی ماده لری موجبجه اعتراض الغیر
 دعواسنک ردینه حکمدن واشبو حکم علیه‌نده
 مستدعی تمیز لیرک لایحه سنده محرر باشلوجه
 اعتراضی دعوی واقعه جزا محکمه سنده رؤیت
 قلنمش اولان دولاندر یحیلق دعواسنه متفرع
 حقوق شخصیه دعواسندن عبارت اولمغله محکمه
 جزائیه یه عائد بولنمش ایکن حقوق محکمه سنده
 باقلمسی و مبلغ مزبورک آرو آرو الاجق اولدیغنی
 زمان و مکاننک تمینیه معترض علیها فاطمه


خانمہ اثبات استدی رلد کد نصره کندوسنک دفع دعواسی استماع اولنق لازم کلور ایکن محکمہ مذکورہ جہ بوراسنہ دخی اعتنا اولنماسی مغایر قانون اولدیفندن بخلہ اعلام مذکورک تقضی استدعاسندن ومیز علیها فاطمه خانمک لایحه سنده مندرج نتیجہ جوابی اولجہ جزا محکمہ سندن حکم اولنان قرق ایرا خصنک کندوسندن دولاندیردینی برپاره اولوب مؤخرآ کندوسنک حقوق محکمہ سنده طلب ایلدیکی مبلغ ایسه مرقومک امضاسنی حاوی اولان سنده محرر اقرار بالکتابہ سنہ مستند بولنمش اولدینی بیانیلہ اعتراضات مذکورہ نک ردی واعلام مذکورک تصدیقی طلبندن و آنف الیمان مطالعہ نامہ مالی دخی مستدعی تمیز دعواوی واقمہ جزا محکمہ سنده رؤیت اولنان حقوق عمومیه دعواسنہ تردیفآ اقامہ اولنان حقوق شخصیه دعواسیلہ بر اولدینی وجزا محکمہ سنده فصل وحسم اولنان بردعوانک بتکرار حقوق محکمہ سنده رؤیتی غیر جائز بولندینی درمیان ایدیور ایسه ده بدایہ اجرا قلنان تدقیقاتدن هر ایکی دعوانک بشقہ بشقہ جهتلرہ مبتنی اولدینی تبین ایتمش اولسنہ منی اعتراض مذکورک موافق قانون کوریلہ مدیکی بیانندن عبارتدر.

ایجابی لادی المذاکرہ اعلام مذکور مندرجاسندن ا کلاشلدیغنه کورہ مزبورہ فاطمہ خانمک اولجہ استحصا ایلدیکی اعلام جزائی موجبجہ مرقوم سعادتکرای بکدن تحصیلتی تحت حکمہ الديرمش اولدینی قرق ایرا ایله مؤخرآ حقوق محکمہ سنده کفیلندن طلب ودعوی ایلدیکی اوتوز بش لیرانک مذکور قرق ایرا داخلندہ اولدینی مذکور سعادتکرای بک طرفندن اعتراض القیر طریقہ ادعا قلنمش اولسنہ نظرآ مذکور اعلام جزائی ایله برابر علیهنہ اعتراض اولنان اعلامک عیناً ویا خلاصه اعلام میز بهه درجی مقتضی اولدینی حالده بالکتر اعلام جزائینک درج اولنهرق علیهنہ اعتراض اولنان اعلامک مالی بیان ایلماسی و مذکور اوتوز بش لیرا ایله جزا محکمہ سنجه حکم اولنان قرق لیرانک بشقہ بشقہ برر اقبجہ اولوب اولدینی ا کلاشلمق اوزرہ سالف الذکر اوتوز بش لیرایی حاوی اولان دین سندینک مالی و تاریخیله جزا محکمہ سنده اقامہ اولنان دعوی تاریخک دخی متن اعلامده ارانہ وتتمیق قلنمسی لازم کلور ایکن محکمہ مذکورہ جہ بورالرنہ دخی دقت ورعایت اولنمیرق برمنسوال محرر قرار ویرلمسی یولسز واصول وقانونه مغایر کورندیکندن اصول محاکمہ

افندیکنک مطالعہ سی استماع قلندقدنصره تدقیقات تمیزیه اجراسنہ ابتدار اولندی.

اعلام مذکورک خلاصه مالی مومی الیهمما احد وعبد الرحیم افندیلرک خالهری متوفیه غبکہ قادیندن درتیک غروش بدل مقابلنده اراضی کاتبی محضر شهودده تفرغ ایلدکری ارکلیده واقع جبان و بولغوراق چفتلکرنده اولان التمش درتیک دونمدن سکر بیک دونم سهم متوفیه مزبورہ جانبندن برادر لری صادق افندی به فراغ ایدیلوب اخیراً افندی مومی الیهک وفاقی جهتیلہ کندیلرله ورثه سائرہ سنہ انتقال ایدن ترکاه نام موقعده واقع ایکی قطعہ ده یکریمی بش دونم مقداری اراضینک اقتضا ایدن طاپو سنداتی محلی مال مدیریتی جانبندن ویرلمامکده اولدیفندن بخلہ سندات مذکورہ نک طرفلرنہ تسلیم استدی رلمسنی طلب ودعوی ایتمش ایسه ده مدعی به اراضی به تصرفلرنی ناطق برکونه اوراق معتبره ابراز ایده مدکری و اراضی مذکورہ نک حدودی معلوم اولیوب مقید اولدینی دقت دخی معمول به اولدینی کبی متوفیه مذکورہ نک بیان ایدیلان تاریخ فراغندن صکره اون سنہ دهامعمره اولدینی حالده سکوت ایلمسی فراغ واقع کرها وقوعنی اثبات ایده جگنہ بنسائ

حقوقیه قانوننک ایکوز قرق برنجی ماده سی موجبجہ اعلام مذکورک تقضیلہ قانون مزبورک ایکوز قرق درنجی ماده سی حکمنہ توفیقاً کیفیتک صور مشروحه دائرہ سنده یکیدن بالرؤیه اعلامه ربطی ضمننده محکمہ مذکوریه اعاده سنہ وزیرده مفرداتی مرقوم درتیوزطقوز بحق غروش مصارف تمیزیه نک ایلروده حقسز چیقہ حق طرفه رجوع ایتنک اوزرہ اول امرده مستدعی تمیزدن اخذینہ ۲۰ ایلول سنہ ۳۰۹ تاریخندہ متفقاً قرار ویرلدی.



قونیہ استیناف محکمہ سندن ۱۹ مایس سنہ ۳۰۵ تاریخی وطقوز عددی ایله ویریلان اعلامک تمیزینی قونیہ داخلندہ کائن ارکلی قضاسی ساکنلرندن مفتی افا زاده عبد الرحیم وصادق افندی زاده احمد افندیلر باعرضحال استدعا ایتدکری حالده یوم معینده دائرہ به کلیوب مدعی علیہ مالیه خزینتہ جلیله سی وکیلی رشید افندیکنک ورود ایتمش اولسیلہ ایضاحات شفاهیہ سیله باش مدعی عمومی معاونلرندن سعادتلو بورغاک

تصدیق قلمش ایسه ده اعلام ابتدائی مذکور
 علیهنده استینافاً در میان اولن ان اعتراضاتک برر
 برر حل و تدقیقه غیر وارد کورلدیکی صورتده
 دینی موجب اولان علل و اسباب قانونیه نک متن
 اعلام استینافیده ذکر و ارائه قلمق لازمکلورکن
 اعتراضات مبحوث عنهانک تدقیق و حل ایلامش
 وردی حقیقه برکونه اسباب موجب قانونیه
 کوسترلامش اولسی مخالف قانون اولدینی مثللو
 محاکم نظامیه دن ویریلان حکملرک طرفینک ادعا
 ومدافعانه نظراً بلذا کره تحت قراره النمی
 مقتضی اوله رق عند المحاکمه اراضی مأمورلرینک
 حاضر بولندیریلوب فقط مطالعه سنک بالاستماع حکم
 ایچون مدار استدلال اتخادی قانوناً غیر جائز
 اولدینی حالده اثنای محاکمه حاضر بولندیریلان
 اراضی مأمورینک مطالعه سی استماع اوله رق حکم
 واقع اکا بنا ایلمسی دخی بشقه جه یولسر
 وقانونه مغایر ومستدعی تمیزک اعتراضیه معاون
 مومی الیهک مطالعه سی موافق نفس الامر
 کورندیکنه بناء اصول محاکمه حقوقیه قانون
 موقتک ایکی یوز اوتوز ایکنجی وایکی یوز قرق
 برنجی ماده لری موجبجه اعلام مذکورک
 نقضیه قانون مزبورک ایکی یوز قرق دردنجی
 ماده سی حکمنه توفیقاً یکدن بالرؤیه اعلامه ربطی

مدعیلرک رد ادعاسیله متوفاه مزبورنک بلا ولد
 وقوع وفاتی جهتیله اراضی مذکورنک محلوایتنه
 دائر بدایه صادر اولان اعلام ابتدائیک عند
 الاستیناف تصدیقه حکمدن و مستدعی تمیز
 احمد و عبد الرحیم افندیلرک اشبو اعلام علیهنده
 لایحه لرندده محرر باشلوجه اعتراضلری اعلام
 ابتدائی علیهنده عند الاستیناف در میان ایلدکلری
 اعتراضک نظر دقته النیه رق بلا اسباب موجب
 حکم ابتدائیک تصدیق ایلمسی مخالف قانون
 اولدیغندن بحثله اعلامک تقضی استدعاسندن
 ومدعی علیه مالیه نظارت جلیله سی وکیلی رشید
 افندینک نتیجه اجوبه سی فراغ واقع اصولاً اثبات
 ایدیله مدیعی جهتنه موافق قانون اولان اعلامک
 تصدیقی طلبندن ومعاون مومی الیهک مطالعه سی
 دخی عند الاستیناف حکم ابتدائی تصدیق قلمش
 ایسه ده اعتراضات استینافیه نک هیج بری تدقیق
 و حل ایلامش و اسباب قانونیه ارائه اولنماش
 و اراضی مأمورینک مطالعه سی انه رق اکا بنای
 حکم قلمش اولسنه مبنی اعتراضات واقعنک
 موافق قانون اولدینی بیانندن عبارت بولمشدر.
 ایجابی لدی المذاکره اعلام مذکور مطالعه.
 سندن اکلاشلدینی اوزره دعوا ی مذکور
 حقیقه بدایه صادر اولان اعلام عند الاستیناف

ضمننده محکمه مذکورده اعاده سنه وزیرده مفرداتی
 مرقم در تیوز یکرمی اوچ بیق غروش مصارف
 محاکمه نک ایلروده حقسنز چیه جق طرفه رجوع
 ایتک اوزره اول امرده مستدعیلردن النسنه
 ۱۸ کانون اول سنه ۳۰۹ تاریخنده متفقاً قرار
 ویریلرک تفهیم قلندی .



بیغا بدایت محکمه سندن ۱۰ تشرین ثانی سنه
 ۳۰۸ تاریخی وطقسان عددی ایله ویریلان اعلامک
 تمیزینی بیغا قصبه سنک اطه محله سنده ساکنه
 متوفی انسطاش زوجه سی صواشتوله قادین
 با عرض حال استدعا ایتدیکی حالده یوم معینده
 دائره یه کلیوب میز علیه قصبه مذکورنک روم
 محله سنده مقیم حاجی یورغاک وکیلی نظیف
 افندینک ورود ایتمش اولسیله ایضاحات شفاهیله
 سیله باش مدعی عمومی معاونلرندن عزتلو سلیم
 افندینک مطالعه سی استماع قلندقدنصرکه تدقیقات
 تمیزیه اجراسنه ابتدار اولندی .

اعلام مذکورک خلاصه مالی بیغا قصبه سنک

اطه جاده سنده کائن متوفی لاز اوغلی انسطاشدن
 شراء متصرف اولدینی معلوم الحدود بر باب
 دکانه متوفای مرقومک زوجه سی مزبوره
 صواشتوله قادین طرفندن وقوعبولان مداخله نک
 منعی حقیقه مرقوم یورغاک جانندن اقامه
 اولنان دعوانک اجرای محاکمه سی ضمننده تعیین
 قلنان کونده مزبوره صواشتوله قادین جانندن
 اجابت قلنامسی اوزرینه غیابنده تعیین قلنان
 وکیل مسخر حضور یله اجرا قلنان محاکمه
 و تدقیقات نتیجه سنده مدعا به دکانک متوفای
 مرقومدن شراء مرقوم یورکینک تحت تصرفنده
 بولندینی اولباید ابراز اولنان تصرف سنندی
 وبالاقامه استماع قلنان شهودک شهادتیله ثابت
 اولسنه مبنی مذکور دکاندن مزبوره صواشتوله
 قادینک منع مداخله سنه حکمدن و مستدعی تمیز
 صواشتوله قادینک اشبو اعلام علیهنده لایحه سنده
 محرر اعتراضاتک باشلوجه سی خصمنک ادعای
 زوجی متوفانک ترکه سنه عائد دیمک اوله رق
 دعوا ی واقعنک محکمه شرعیده فصل ورؤیت
 اولنسی لازم کلورکن محکمه مذکورده جه خارج
 از وظیفه فصل وحسم اولنسی مغایر قانون
 اولدیغندن بحثله اعلامک تقضی استدعاسندن
 ومدعی علیه وکیلک نتیجه جوابی دخی اعتراضات

واقعه واهی و حکم اعلام موافق قانون بولندینی
بیانیه اعتراضات مذکورہ نك ردیله اعلامك
تصدیق طلبیدن و معاون مومی الیهك مطالعہ سی
دخی دعواى واقعه تصرفه متداثر اوله رق محاکم
نظامیہ یه عائد اولدیغنه مبنی وظیفه حقننده کی
اعتراضاتك موافق قانون کوریله مدیكى بیانندن
عبارت بولمشدرد .

ایجابی مذاکره اولدوقده اعلام مذکور
مطالعہ سنندن منقہم اولدینی اوزره حکم واقع
طاپو سندیله شهادته بنا ایدلمش اولوب حالبوکه
شهود مرقومه نك ترکیه علیه لرینك اجراسی
قانوناً مقتضی ایکن شاهدلرک علناً ترکیه لرینك
اجرا قلماسی و خصوصیله محاکدن صادر اوله حق
حکملرک اسباب موجب قانونیه یه اقتران ایتدیر -
لمسی احکام قانونیه بدن بولندینی حالده محکمه
مذکورہ جه بوراسنه دقت اولنیمه رق اعلام
مذکورک قرار محکمه اسباب قانونیه کوسترلماسی
مغایر قانون اولدیغنه و معاون مومی الیهك وظیفه
حقننده کی مطالعہ سی دخی موافق نفس الامر
کورندیکنه بناء اصول محاکمه حقوقیه قانوننك
ایکیوز قرق برنجی ماده سی موجبجه اعلام
مذکورک تقضیله من بورک ایکیوز قرق درنجی

ماده سی حکمنه توفیقاً کیفیتك اصول و قانون
دازه سنده یکیدن بالرؤ یه اعلامه ربطی ضمتده
محکمه مذکورہ یه اعاده سننه وزیرده مفرداتی
مرقم درتیوز درت بحق غروش مصارف محاکمك
ایلروده حقسنز چیه حق طرفه رجوع ایتك
اوزره اول امرده مستدعیه تمیز دن آلمسنه
۶ کانون ثانی سنه ۳۰۹ تاریخنده متفقاً قرار
ویر یلرک تفهیم قلندی .

کلیس بدایت محکمه سنندن تجارت صفتی
و ۲۹ مارت سنه ۳۰۷ تاریخی و بر عددی ایله
ویر یلان اعلامك تمیزی استدا ایدن کلیس
قصبه سنك دوه جیان محله سنده مقیم بیرامیان قره بت
اغا ایله میزعلیه قصبه من بوره نك واعظ محله سنده
ساکن نعلبندیان اوخانس اقدی یوم معینده دائره یه
کلدکلرندن اصول محاکمه حقوقیه قانوننك ایکیوز
یکرمی طقوزنجی ماده سی موجبجه تدقیقات تمیزیه
اجراسنه ایتدار اولندی .

اعلام مذکورک خلاصه مآلی من بور
اوخانس اقدینك امره محرر ایکی قطعه جیرولی

سند موجبجه مرقوم قره بت اغا ذمتده الاجنی
اولان قرق سکز لیرانك دیگر جرانتہ بولسان
بیرامیان آرتین و اغوبه مراجعت حتی باقی قالمق
اوزره مع فائض مرقومدن تحصیاتی طلب و دعوی
و ایکی قطعه قامیبال ابراز و اعطا ایتسی و مدعی عایه
قره بت اغانك دعوتہ اجابت ایتماسی اوزرینسه
غیاباً اجرا قلنان تدقیقات نتیجه سننده مذکور
قامیبالردن بری بیرامیان آرتین و قره بت و دیگر
اغوب و قره بت امضالرینی حاوی شعور و شریم نام
کمسنه نك امرینسه محرر اولدینی حالده مرقوم
طرفندن من بور اوخانس اقدی یه جیرو اولدینی
ا کلاشلمش اولسنه مبنی مذکور قامیبالر بدلنك
مرقوم قره بت اغادن تحصیلنه حکمدن و مستدعی
تمیز قره بت اغانك اشبو حکم علیه نده لایحه سننده
محرر اعتراضی مذکور قامیبالردن برینك ناطق
اولدینی اقبه کندوسنك بورجی اولیوب اصل
مدیون آرتینه کندوسی کفیل اولمش و اصیل
مرقومك ایسه ایفای دینه اقتداری درکار بولمش
اولغله ذکر اولنان قامیبال بدلنك اصل مدیوندن
مطالبه ایدلدیکه کندوسنندن دعوی ایدیله من ایکن
محکمه جه اصیلدن بلا مطالبه بدل مذکورک دخی
کندوسنندن تحصیلنه حکم اولنسی مغایر قانون
اولدیغندن بخله اعلامك تقضی استدا سنندن

اعلان

ازمیده تابع ارمیشه قره سی ساکنلرندن
کرد اوغلی سحاقک کیفیت احراقندن طولای
مظنون علیه اولوب وادی فرارده بولسان
و درسمادت هیئت اتهامیه سنندن صادر اولان
مضبطه موجبجه جنایتله اتهام ایدیلوب حقنده
اخذ و گرفت مذکورسی ویرلمش اولدینی حالده
الیوم در دست ایدیله میان عن اصل خر پوتلی
اولوب قریه مرقومه ده ساکن بولسان اورته
بویلی سیاه کوز و بیقلی اسمر بکزی مطروش
تقریباً اوتوز بر یاشلر نده بقیجی سرکز ولد
طومیان اوغلی کیغورقک قانونه اطاعتله محکمه یه
کلیسی ایچون اصول محاکمات جزایه قانوننك

اوچوز یتیش برنجی ماده سی موجبجه کندوسنه طرف ریاستدن مجدداً اون کون مهل ویرلمش اولمغله مرقوم سرکز مدت مذکوره ظرفنده دخی کلدیکی حالدہ کندوسنه قانونه اطاعت ایتماش نظر یله باقیله رق غیاباً محاکمه سی بالا اجرا حقوق مدنیه دن اسقاط و اموالی اولدینی حالدہ ججز ایدیله جکی و بو ائناده برکونه دعوی اقامه ایتمکه حتی اوله میه جنی و کندوسنی بیلانر خبر ویرمکه و بالجمله ضابطه عدلیه مأمورلرینک مرقومی دردست ایتمکه مجبور اولدقلری بیان و اعلان اولنور .

فی ۱۰ شوال سنه ۳۱۱
وفی ۴ نیسان سنه ۳۱۰

ازمیده تابع ارسلان بک قریه سی ساکنلرندن اوزون حجر اوغلی میناسی طبانجه قورشونیله جرح ایتمش اولدینی ادعاسیله مظنون علیه اولوب درساعات هیئت اتهامه سندن صادر اولان مضبطه موجبجه جنایتله اتهام اولنسان وحقننده اخذوکرفت مذکوره سی ویرلمش اولان عن اصل لیوانلی اولوب ازمیده تابع کتائجیلر قریه سی اهالیسندن عمر افندیکنک یاننده چو بانلق ایتمکه

ایکن عقیب وقعه ده فرار ایلیان اوزونجه بویلی مدور برون و اغزلی تر بیقلی مطروش طوب چکه لی عادتاً چهره لی بغدادی بکرلی کورحی علی بن موسانک قانونه اطاعتله محکمه به کلی ایچون اصول محاکات جزائیه قانوننک اوچوز یتیش برنجی ماده سی موجبجه کندوسنه طرف ریاستدن مجدداً اون کون مهل ویرلمش اولمغله مرقوم علی مدت مذکوره ظرفنده دخی کلدیکی حالدہ کندوسنه قانونه اطاعت ایتماش نظر یله باقیله رق غیاباً محاکمه سی بالا اجرا حقوق مدنیه دن اسقاط و اموالی اولدینی حالدہ ججز ایدیله جکی و بو ائناده برکونه دعوی اقامه ایتمکه حتی اوله میه جنی و کندوسنی بیلانر خبر ویرمکه و بالجمله ضابطه عدلیه مأمورلرینک مرقومی دردست ایتمکه مجبور اولدقلری بیان و اعلان اولنور .

فی ۱۰ شوال سنه ۳۱۱
وفی ۴ نیسان سنه ۳۱۰

کیوه قضا سنه مضاف اقصا ناحیه سنه تابع ترسه قریه سنده مقتولاً وفات ایدن نعمان دامادی

حسنک کیفیت قتلندن طولای مظنون علیه اولوب درساعات هیئت اتهامه سندن صادر اولان مضبطه موجبجه جنایتله اتهام اولنسان وحقننده اخذوکرفت مذکوره سی ویرلمش اولان قریه مذکوره دن اوزونجه بویلی صاری صقاللی قوری یوزلی بغدادی بکرلی تخمیناً قرق ایکی یاشلرلنده عباس دامادی خلیل ابراهیم عقیب وقعه ده فرار ایدوب ایسوم دردست اولنه ماش و مرقومک قانونه اطاعتله محکمه به کلی ایچون اصول محاکات جزائیه قانوننک اوچوز یتیش برنجی ماده سی موجبجه کندوسنه طرف ریاستدن مجدداً اون کون مهل ویرلمش اولمغله مرقوم خلیل ابراهیم مدت مذکوره ظرفنده دخی کلدیکی حالدہ کندوسنه قانونه اطاعت ایتماش نظر یله باقیله رق غیاباً محاکمه سی بالا اجرا حقوق مدنیه دن اسقاط و اموالی اولدینی حالدہ ججز ایدیله جکی و بو ائناده برکونه دعوی اقامه سنه حتی اوله میه جنی و کندوسنی بیلانر خبر ویرمکه و بالجمله ضابطه عدلیه مأمورلرینک مرقومی دردست ایتمکه مجبور اولدقلری بیان و اعلان اولنور .

فی ۱۰ شوال سنه ۳۱۱
وفی ۴ نیسان سنه ۳۱۰

اطه بازارینه تابع شکریه قریه سندن ازمیده ضبطیه افراندن محمد اوغلی رشیدک زوجه سی شهرت خاتونه فعل شنیع اجرا و آخورینی دلهرک چفت ادواتی یعنی آلت زراعه سی سنی سرقت و برادری قریه مرقومه لی اسماعیلک صباخانه سی احراق ایلدکلری ادعا اولنمسندن طولای مظنون علیه اولوب درساعات هیئت اتهامه سندن صادر اولان ۱۴ ایلول سنه ۳۰۵ تاریخی و طقسان سکر نومرولی مضبطه موجبجه جنایتله اتهام اولنسان وحقننده اخذوکرفت مذکوره سی ویرلمش اولان اشخاصدن مدعی مرقوم رشیدک اوکی اوغلی اولوب صباخانه ک باقیبا قریه سندن اوزون اینجه بویلی ترجمه بیقلی سیاه صاچلی آیری قاشلی صاریجه بکرلی اوزون چهره لی عادتاً برون و اغزلی الا کوزلی عادتاً چکه لی و بیسونی التنده چبان یری بولنان اون سکر یاشلرلنده محمد ایله قریه مرقومه دن قیصه جه بویلی الا کوزلی آچیق التلی عادتاً اغز و چکه لی سیاه صاچلی اسمر بکرلی طبقنازجه مطروش ترجمه بیقلی تام اعضا بکرمی یاشلرلنده عبده بن محمد علیکنک قانونه اطاعتله محکمه به کلگری ایچون اصول محاکات جزائیه قانوننک اوچوز یتیش برنجی ماده سی موجبجه کندوسنه طرف ریاستدن مجدداً اون کون مهل ویرلمش

تخمیناً و تربیعاً یوز یکرمی آرشون مقداری بر باب
 محترق خاه عرصه سنک التمش بر کون اجرا قلنان
 مزایدۀ علیہ نتیجہ سنده لبرای عثمانی یوز غروشدن
 اولق اوزره بش بیسک طقوز یوز غروشدہ
 طالبی عہدہ سنده تقرر ایتمش اولدیغندن بوندن
 زیادہیہ یعنی یوزده بش ضمیله طالب اولنلرک
 ودهاز یازده معلومات المق استیانلرک تاریخ اعلاندن
 اعتباراً اوتوز بر کونہ قدر اجرا دائرہ سنہ مراجعتله
 پی سورملری لازم کله جکی و مدت مذ کورہ نک
 انقضاسندن صکرہ ضم وقوع بولدیغنی حالده قبول
 اولتمیهرق طالبی عہدہ سنہ فراغ معاملہ سنک اجرا
 قلنہ جنی درسمعات اعلامات نظامیہ اجرا
 دائرہ سنندن اعلان اولنور .

فی ۱۱ نیسان سنہ ۳۱۰

(مطبعہ عامرہ دہ طبع اولتمشدر)

اولمغله مرقومان محمد و عبداہ مدت مذ کورہ
 ظرفندہ دخی کلدیکی حالده کندولرینہ قانونہ
 اطاعت ایتماش نظریله باقیلہرق غیاباً محاکمہ لری
 بالاجرا حقوق مدنیہ دن اسقاط و اموالی اولدینی
 حالده بالجز شخص غائب اموالی نظریله باقیلہ جنی
 و بوائنادہ بر کونہ دعوی اقامہ ایتمکہ حق
 اولہ میہ جنی و کندوسنی بیلانلر خبر و بر مکہ
 و بالجلہ ضابطہ عدلیہ مأمورلرینک مرقومانی
 در دست ایتمکہ مجبور اولدق لری بیان و اعلان
 اولنور .

فی ۱۰ شوال سنہ ۳۱۱

وفی ۴ نیسان سنہ ۳۱۰

بفده صار اغانک درسمعات برنجی حقوق
 دائرہ سی اعلامیله قصبہ ذمتندہ الاجنی اولان
 مبالغت تأمین استیفاسی ضمنندہ مدیونک عہدہ
 تصرفندہ اولوب تحت جزہ الدیریلان قاضی
 قریہ سنندہ جعفر اغا محلہ سنندہ یکی چشمہ زقاغندہ